

**BETEARAZTEKO AGINDU, BETEARAZPEN SUBSIDIARIO ETA PARTIKULARRENDAKO  
LAGUNTZETARAKO TASAK ERREGULATZEN DITUEN ORDENANTZA FISKALA**

**13. ordenantza**

Oinarria

1. artikulua.- Ordainarazpen hau ezartzen da Nafarroako Toki Ogasunei buruzko martxoaren 10eko 2/1995 Legearen lehen tituluko IV. kapituluko 7. atalean xedatutakoari jarraikiz eta haren 12. artikuluan jasotako baimenaren babesean.

Zerga-egitatea

2. artikulua.- 1) Honako jarduera hauek egin eta zerbitzu hauek ematea da zerga-egitatea:

a) Obrak, eraispenak, konponketak eta beste hainbat betearazteko aginduak, baldin eta, hirigintzako baimena edo geroko kontrola nahitaezkoak izanik tributu-betebeharpekoaz beste subjektu batek egiten ahal baditu.

b) Betearazpen subsidiarioak, aurreko letrako kasuetan betearazteko agindu bat bete ez izanak eraginda.

c) Betearazpen subsidiarioak, Udalaren ordenantzek zein erabakiek ezarritako betebeharrak bete ez izanaren ondorio diren kasuetan, baldin eta, aurrez, xede horretarako agindu edo ohartarazpen bati muzin egin bazaio.

d) Udaltzaingoaren zerbitzu bereziak, partikularrek eraginda.

2) Interesdunek beraiek eragindako zerbitzuek, edo bereziki haien mesederako direnek, eta ondasunak berreskuratzeko premiagatik edo ordena publikoari, segurantzari, osasungarritasunari edo higieneari lotutako arazoak direla medio derrigorrean eman beharrekoek ordainarazpena sortzea ekarriko dute, nahiz eta interesdunek zerbitzua eskatu ez.

3. artikulua.- Udalak zilegi izanen du, edozein kasutan ere, enpresa pribatu batekin kontratua egitea Ordenantza honek aipatzen dituen zerbitzuak egiteko. Premiazko kasuetan, eta kontratazio-arauegiak agintzen duenaren arabera, udal-zerbitzuek zilegi izanen dute zuzenean kontratatzea enpresen, teknikari fakultatiboen eta beste bitarteko batzuen zerbitzuak, gero Alkatetzari edo Udaltzari horren berri emanda.

Tasaren sortzapena

4. artikulua.- Tasa sortuko da, kasuan-kasuan, betearazteko agindua ematen denean, betearazpen subsidiarioen espedienteari hasiera ematea ebazten denean edo, aldez aurretiko ebazpenik ezean, egikaritzaren funtsa den laguntza edo zerbitzua ematen denean.

Subjektu pasiboa

5. artikulua.- Honako hauek dira tasa hauen subjektu pasiboak: pertsona fisikoak eta juridikoak, eta nortasun juridikorik gabeak izan eta batasun ekonomikoa edo ondare banandua osatzen duten entitateak ere, haien kontra betearazteko agindu bat eman bada edo haiek halakorik eragin badute, edo, bestela, egindako egikaritzeak edo zerbitzuak ukitu baditu edo horren onuradunak gertatu badira.

Zerga-oinarria

6. artikulua.- Ordainarazpen honen zerga-oinarria honako hauek osatzen dute:

a) Betearazteko agindua: Egiteko den obrari egin behar zaion balorazioaren emaitza izanen da.

b) Betearazpen subsidiarioak eta partikularrendako laguntzak: egindako egikaritzaren edo zerbitzuaren kostuak osotara zenbat jo eta hainbeste.

Kudeaketa-arauak

7. artikulua.- 1) Betearazteko aginduak sortutako tasa likidazio-araubidean exijituko da, baldin eta hori galdatutakoarekin bat gauzatzen bada. Behin obrak amaituta, obra-bukaerako ziurtagiria eta egindako obren egiazko kostuaren gaineko aitortpena aurkeztu behar dira, tributu-administrazioak behin betiko likidazioa egin dezan, betiere hirigintza-lizentzien tasetarako zer arautu eta horrekin bat.

2) Obra-bukaeraren eta obra-bukaerako kostuaren gaineko aitortpena aurkezteko betebeharra ez betetzea tributu-arloko arau-hauste zehagarria izanen da, Kudeaketarako, Diru-bilketarako eta Ikuskapenerako Ordenantza Fiskalaren IV. kapituluan xedatutakoarekin bat.

3) Lizentzia behar duten egintzen betearazpen subsidiarioen kasuan, tasa behin-behinek likidatzen ahalko da, eta egikaritzaren aurretik gauzatu, behin betiko likidazioaren zain geldituta.

Arau-hausteak eta zehapenak

8. artikulua.- Tasa hau aplikatu eta hortik ateratzen den likidazioaren edo autolikidazioaren zenbatekoa gorabehera, subjektu pasiboa izanen da zehapenen erantzulea, baldin eta, Lurraldearen Antolamenduari eta Hirigintzari buruzko Foru Legean ezarritakoa betez, espediente zehatzailerik irekitzen bada eta horrek zehapenik eragiten badu.

## TARIFA-ERANSKINA

### I. EPIGRAFEA.- BETEARAZTEKO AGINDUAK:

- Tasa kalkulatzeko hirigintzaren arloko lizentziak eman eta kontrol-jarduera administratiboak egiteagatik ordaindu beharreko tasak erregulatzen dituen ordenantza fiskalak kasu bakoitzean ezarritako tasa aplikatuko zaio zerga-oinarriari.

### II. EPIGRAFEA.- BETEARAZPEN SUBSIDIARIOAK:

- Tasa kalkulatzeko, zerga-oinarriari karga-tasa hau jarriko zaio: % 132.

### III. EPIGRAFEA.- UDALTZAINGOAREN ZERBITZU BEREZIAK, PARTIKULARREK ERAGINDA:

ordua edo zatikia.

– Esku hartu behar duen udaltzain bakoitzeko

32,35 euro

– Erabili beharreko patruila-auto bakoitzeko

4,10 euro

– Erabili beharreko moto bakoitzeko

3,60 euro